



對問編自序



對問編何對字問也既對矣
編何為對志答也經曰多言擇
也多見識也夫多問見難矣
擇而後又難也答未易免矣

府曉初而嚶々長復踈解杜
門執策竟爾忘與寢謝廢
言即廢疾膏盲無忘矣間
一卯之輒眩々不自休衆所共
知弗比也已所特狀巾偃中

若荆卿飲屠狗擊筑輩
於五都中歎哭自了名目無

市人以故寔尤未矣乃今歲
疾重山卧周歲結瘡於泥
理師以勸幸時局追惟曩

昔陳置而膏錄之以志生咎
警方來乎如言匪劑劑氏
眉昭志也乃始黜狂悖劑
諱忘孝十七撮其畧而授諸
葉枯美曰犧尊而青黃未

知也素置而溝中未也
也嗟乎齊名實了幽顯
名人占剛矣和之負候
任父也卑、陋矣我思
括蒼寔獲我心也矣

山城居士題於石菴書屋之

澄照閣



對問編卷二目錄

列宿次第

列宿亦觀所主

占象法有難易

分野之說難通

天變有以日辰辨

熒惑

東井

彗

南斗北斗

虛危

中台

冰

雨

漏刻

五更

忌月

卯酉

陰陽互藏

斗牛

對問編卷一

新安江應曉覺卿著

男秉謙校

列宿次第

二十八宿有始角者氣起東也有始虛者支起子也
 有始牛者冬至起牛一度牛斗為星紀也顧談天者
 因氣以求象宜景純以角為列宿長也但角亢而往
 甘石以來未有釋其義而次之者予偶次之角二星
 對抵蒼龍角也百物之生惟角莫抑故角主發生天

道好生特先焉物既生矣無禮以制之則瀆且爭亢
爲疏廟禮之原也故受之以亢按亢人頸當喉處也
有出納之義朝廟禮法所自出是亢爲疏廟也禮始
於閨門氏爲后妃府前嫡後妾一定不亂故受之以
氏按氏邸也人所托宿處是氏爲王者後宮也后妃
嫡妾必有止所房爲天子後寢鍵閉附之謹內也日
附之制陰也故受之以房有夫婦然後有父子有父
子然後有君臣唐志曰心爲乾精天之心人之王也
故受之以心王者御妾有序則子孫多尾主進御亦

爲九尾星象則蒼龍之有尾也義則鳥獸之孳尾也
神宮附之解衣室也魚附之生類蕃也故受之以尾
婦女執箕帚象若播揚然糠附之杵附之備婦事
也故受之以箕去讒遠色然後俊又在官斗主進賢
象爲量祿器祿所以養賢也故受之以斗養賢所以
恤民民藉於耕耕藉於牛牽牛迫羅偃而天田附之
九坎附之䟽溝洫也故受之以牛有農必有桑須女
乃賤妾之稱婦職之卑者也扶筐附之備蠶具也故
受之以女按須女與織女有貴賤之別須乃婦妾卑

賤之稱織女乃天女孫也在天市牽牛之間張子建
得石處織女主瓜菓今人乞巧陳瓜果菓蓋本諸此須
女之旁有匏瓜敗瓜二星亦主瓜果但穿針結網則
不取是女寵恣則國空虛虛宿主死喪哭附之泣附
之載哭載泣女爲之也司非司危附之招非致危女
爲之也司命司祿附之隕命終祿女爲之也敗曰離
瑜附之曰本女子器瑜本女子飾敗而離此何等時
事耶自古亡國喪家未有不自女寵始故受之以虛
虛則必耗危爲玄枵耗神也虛梁附之墳墓附之耗
而不已去宮室離丘壠矣故受之以危天運虧而復
盈耗而復實室之爲言實也人物實其中也離宮繞
營室環列宇也土公吏附之供版築也故受之以室
室謹蓋藏圖書是急東壁爲圖書之府文章集焉故
受之以壁按壁垣也勤垣墉者藏重器文章天下之
重器也是壁主文章也有文事必有武備奎爲天武
庫軍南門附之營壘也王良附之策附之車騎也故
受之以奎夫奎主戎兵舊矣援神策曰主文章豈宋
均所謂奎星屈曲似文章之畫歟按說文奎兩髀之

間人蘇骨也天文取象於此此釋奎字義耳所主尚
未詳也意者大圭爲奎王者輯瑞以綏諸侯揆文教
奮武衛用焉是奎主戎兵主文章也武備莫大於牧
養婁主犧牲左更右更附之牧官也天倉天庾附之
牧地也故受之以婁按婁斂也物降落而收斂生養
所需也是婁主犧牲也牧養本之五穀人之胃穀之
府也故胃爲五穀府天廩附之蓄黍稷也天困附之
給御糧也天船附之供運載也積水附之穀非水不
生積尸附之人非穀不生也故受之以胃羣食而無

紀則訟訟則獄生焉昴主獄事卷舌附之獄有詞也
礪石附之獄有殺也故受之以昴按昴之爲義繫留
也獄所以繫罪人是昴主獄也獄聚而不解則鬪鬪
則兵興焉畢爲邊兵五車附之車戰也九旂附之旗
也諸王附之方伯連帥也九州味附之間諜重譯也
故受之以畢按畢田罔之有柄者執以掩物戈獵具
也蒐苗獮狩兵制寓焉故畢主兵曰邊兵者昴畢之
間有天街分華夷也兵之興也堅爾營壁儲爾輜重
觜爲行軍藏府座旗附之壁有楨也故受之以觜按

觜鳴奮頭上觜也有奮擊而食之義是爲軍藏也守
定而後陳列國富而後兵強參主殺伐中三星橫斜
三大將也二肩星左右將也二足星前後將也中二
小星曰伐天都尉也軍井附之屏附之布營寨也故
受之以參按參有白獸體獸多殺物是主殺伐也且
參之爲義叢立貌師旅之興何叢立然禁暴誅亂斯
建國封侯井象井取其辨也主辨州域四瀆附之遍
九州也五諸侯附之畫五服也南河北河附之中天
下也故受之以井國營城列斯郊社禘嘗鬼主祠祀

天社附之重社稷也外厨附之供祭品也故受之以
鬼神歆鬼享斯飲福受釐柳主飲食燕享獨一酒旗
附之書曰祀茲酒肇我民爲元祀也故受之以柳按
柳卯木也卯本古文酉字酉酒形聲皆同是柳主燕
樂也柳亦釋味郭景純以爲朱鳥口也故主飲食有
食不容以無衣星爲陽之榮衣裳文繡何榮如之故
星宿主焉軒轅附之天相附之冠裳玉佩首君相也
故受之以星有衣不容以無器張之爲義開也設也
珍寶祭器不能不開而設也故張主焉天廟附之大

尊附之脩祖廟者陳宗器也故受之以張厚生利用則制禮作樂及蠻貊矣翼主禮樂亦主四夷來賓焉翼舒則遠且文遠人來格禮樂文明之化彬彬也故受之以翼禮備樂和則車轍馬跡徧天下矣軫主車騎軫本車橫木也軍門附之轅門也左轄右轄附之兩輪也土司空附之輪人輿人冬官屬也故受之以軫夫軫之用轍環不滯者也天之道循環不窮者也循環不窮是以生物不息故受之以軫而復受之以角始焉

列宿亦觀所主

列宿雖占分野亦觀所主何如如心屬宋豫三國時魏分也宜占不在蜀魏黃初之四年蜀之章武三年也月犯心先主殂蓋心者心也天之心天王之象也先主本帝室之胄故蜀當之尾箕雖分幽冀然尾主進御箕主后妃尾受之箕帝示婦道也其占每在後宮符堅時彗起箕尾緣堅滅燕後娣弟雙飛垂妻同輦已而冲逼長安堅之亡以色荒也玄宗時五星聚箕尾未幾羯鼓漁陽乘輿播遷實金錢錦祿招之惜

當時太史令無以若語悟二主者予因以五星所聚考之房何與周箕何與齊也顧房主天子後宮商以姐已亡周以文母邑姜興故聚房箕主播揚齊桓首霸而皇王事業悉舉而掃除之非復唐虞成周宇宙矣故聚箕漢宋混一井奎軫何分也顧井主水衡物之平者莫若水營國制城畫野分州取象焉高祖平海內而守令郡縣較若畫一故聚井奎主武庫亦主文章五星聚焉偃武脩文太平象也故宋乾德見之列宿始于角終于軫蒙古亂華而宇宙內事爲之一

終故宋淳熙間日月五星聚焉洪武間聚奎占若乾德矣嘉靖間聚營室已而九廟一新緣室爲太廟也又按占書言五星之聚是謂改易有德受慶無德受殃則知聚宿未必皆福也觀天人相與何如耳

占象法有難易

占象法一統之世易見分統之世難知如心爲天王位也其占在君于漢于唐不俟悉矣試以三國兩晉驗之魏明問黃權曰天下鼎立何地爲正對曰當驗天文往者熒惑守心而文帝崩此其徵也及魏明景

初之世頻年月犯心遂崩若是則魏統正矣然齊王
芳正始間見之三國皆無恙將何占耶魏之黃初四
年蜀之章武三年也三月月犯心蜀先主以四月殂
於永安宮先主當天王位審矣安樂旣封曆數在晉
姑以熒惑守心言之見于太康而武帝殂見於光熙
而惠帝殂見于永嘉而懷帝殂天位不爽矣張泉言
於姚興曰熒惑入東井復來守心王者惡之已而興
死晉室無災永和之世月犯心穆帝無恙而符洪殺
豈姚符二羯當天王耶此分統之難知者

分野之說難通

陸子淵嘗言分野之說難通天常運而不息地一成
而不變以至動求合至靜未易以齊難通一也若以
爲形象所主必有相當氣類之應乃出自然不應各
有入度之限况天之一度當地之二千九百餘里則
天大而地小尤礙脗合難通二也且以輿地言之閩
粵交廣通謂之揚州實當中國之半而分星所屬止
牛斗又地廣而天狹矣難通三也予每述之爲星家
道

天變有以日辰辨

分統之世天變有以日辰辨者晉武時正月己丑朔
白氣貫日占者曰君道失明丑為牛斗主吳越分時
孫皓暴虐四月降晉北魏時熒惑一夕忽亡衆求所
詣崔浩曰庚午之夕辛未之朝天有陰雲是熒惑之
亡日庚與午主秦辛為西夷今姚興據咸陽是熒惑
入秦矣已而熒惑果出東井明年興死秦滅此以日
辰占也梁武時熒惑入南斗武帝披髮跣足下殿禳
之未幾北魏孝靜當其變豈入斗之夕亦日辰涉魏
歟梁室太史未有以是占者非天之示人爽也宋嘉
定間長星見西方蒙古耶律楚材謂其主曰女真將
易主矣明年金主卒此豈西方金歟抑亦日辰歟

熒惑

天官占言熒惑之精為風伯惑童兒歌謠北魏太史
奏熒惑失所在法當入危亡國先為童兒訛言然
後行禍罰尚未誌為人也晉五行志吳孫休時有異
小兒忽來言曰三公鋤司馬如旣而曰我非人熒惑
星也言已化為匹練去則人矣國史纂異李淳風奏

北斗七星化為人至西市飲酒使人候之有僧七人
 飲至二石太宗召之七人笑曰此必淳風小兒說我
 也忽不見又不特熒惑然矣西陽雜俎有繫獄人求
 救於一行一行曰當有赦乃授其徒以七囊戒至某
 處遇七豕携之歸已而太史奏七斗忽不見玄宗問
 于一行曰惟施惠以應之遂大赦七斗始如故此又
 斗化為豕也徐元玉穰斗獄中驚見七豕 永陵嘗
 繪斗母賜近臣形亦似豕

東井

東井秦分也熒惑見東井姚興敗符洪孫生立太白
 犯東井已而符堅殺生堅時彗星起尾箕掃東井竟
 為燕滅緣姚符偏霸故占在分野也抑尤有說堅以
 弟融為冀州牧母苟氏愛之甚比發至霸上竊如融
 所內外莫知是夜太史奏后妃星失明闇寺忽不見
 何興生與堅占在列宿后妃闇寺乃占在紫薇垣耶

彗

瑞星有似彗而非者援神契曰含譽似彗其國喜慶
 或夷狄朝貢咸射之古未之見惟 本朝宣德間見

於九旂鄭端簡志天文五年冬異星見或曰含譽或之云疑辭也唐咸通中宋天聖中彗見司天諂以含譽奏二代徒貽話柄耳運斗樞曰彗出東方名天棊出西方名天讒明二星卽彗也晉志妖星十有二曰天讒曰天棊曰天鋒曰昭明曰蚩尤旗皆似彗而非者則分而爲六矣許洞虎鈴經蚩尤旗類彗而尾曲象旗見則王者征伐此班志語也一見于魏正元而平蜀再見于晉咸寧而平吳審爾則不當以妖目之宋理宗景定五年忽必烈之至元元年也彗長十丈

楊棟指爲蚩尤旗非變異也蓋附班志以媚時耳夫蚩尤爲星明矣當正元之見也白氣出南斗廣長丈竟天王肅指爲蚩尤旗唐景龍中赤氣亘天紅光燭地占曰蚩尤旗也又以雲氣言何哉按晉志或曰赤氣獨見或曰黃上白下或曰如旗長二丈無星乃知亦有以雲氣言者玉曆通政亦兼星與氣言之且曰色赤者熒惑之精也色白者太白之精也酈道元引皇覽蚩尤冢在東郡壽張縣常十月祀之赤氣如絳民呼爲蚩尤旗此常見者又未可以天象論

南斗北斗

南斗星六卽斗牛之斗主賢才爵祿亦爲壽期又有
斗星五在宮南專主平量與南斗異老人星一一曰
南極見則治平亦主壽與入地三十六度之南極異
爾雅以角亢爲壽星謂其數起于角也與南極壽星
異北斗在紫薇垣位稍北星七曰天樞曰璇曰璣曰
權四星爲魁象斗曰玉衡曰開陽曰搖三星爲杓斗
之柄也平聲爲杓詩韻入蕭入聲爲杓詩韻入藥杯
竿也與斗杓之杓音義俱異北斗卽天綱以斗柄運

建也有析之者楊用脩笑曰此文選有班孟堅無班
固也北斗與北辰異北辰星五卽出地三十六度者

虛危

客爲予言夢天降女子如賤妾狀縞衣緋裳腐其鼻
自言曰我耗神也過隣人甲家門趨起不入直扞乙
家留焉囑予識之居無何乙家以後妻故頓乏二十
餘年今子孫稍稍復舊業甲家無恙如昨乃知星家
以虛危卽耗神須女次之以虛危也客不誣矣

中台

中台折而茂先慘後世遂指中台爲宰相之驗詎知
中台主宗室張平子言之唐人撰晉志因之茂先父
子不識天文如斗牛劍氣得之雷煥是已晉室中衰
倫罔倡禍骨肉戕而牛兒冒宗室中台之應明矣震
澤長語謂 本朝中台長折一以上下不交一以不
立宰相故殆未考平子書致惑于華子躋語也 本
朝漢煦而後寧濠以前其于憲其正典者無論已卽
今天潢十萬嗷嗷待哺司國計者不能支致勞 當
宁慮抑尤甚者神苗聖裔豈無朱虛河間乎豈無更
生汝愚乎悉以祿困而不獲一舒其猷謀則今日中
台可識矣占書又言彗炎入三台三公災乃知三台
屬三公非獨中台也又曰三台爲天階中台二星卽
中階上爲諸侯三公下爲卿大夫又知中台不偏屬
宰相也唐昭宣二年彗出三台朱全忠盡殺朝士夷
唐宗社此可爲宗室公卿通驗

冰

伍餘福莘野慕聞正德己巳吳中寒甚湖海冰山之
狀無論已瀕海有樹其水激而飛集樹皆冰也此爲

木介按介甲也永徽二年陰霧凝凍封樹劉向以爲木少陽也人有害則陰氣脅亦云樹介漢儒謂之木介乃甲兵之象伍蓋得之漢人者洪範五行傳謂之木斤亦斧斤之義明年寘鑄逆瑾同謀不軌又明年北畿趙燧反倭奴寇浙東元史至正間汴渠冰裂數十里花草如繪時以爲瑞殆未考景福中滄州城塹冰紋如樹華葉敷榮識者知其地有兵已而紅巾徧天下馬氏通考曰木冰乃寒恟于木而成冰妖不在水也冰花乃冰有異而成花妖不在花也丹鉛錄正德中文安縣水忽僵立是日天寒遂凍爲冰柱高廣五尺不數日流賊過縣中此水介冰花之外又有冰柱也

雨

雨非其雨惟隋文之世特甚開皇六年雨毛七年雨石仁壽四年雨金銀花末年不雲而雨虎鈴經曰不雲而雨天泣也天泣國覆兆隋之亡屢矣史氏不悟以誅漢王諒當之何耶嘗考晉惠公雨釜梁惠成王雨骨漢惠時雨血漢武時雨白釐漢成時雨魚晉愍

時雨肉梁武時雨灰雨寶珠宋仁宗時雨赤雪以至
雨驚雨蟲雨草木雨水銀雨粟絮雨穀麥豆悉爲咎
徵然間見耳獨于隋世數數何哉隋文驅羣胡一海
內蓋英主也楊廣以子弑父宇宙大變故災異特甚
云又按玉曆通政經雨金雨花乃驕淫兆今古帝王
惟廣爲驕淫最其雨宜然或曰禹時雨金三日者何
予曰此淮南子之言而外紀因之未敢信也

漏刻

長極于六十短極于四十古今漏刻皆然惟元授時

曆長極六十二短極三十八緣元以夷亂華天地反
側晝夜晦冥時也非值燕地偏北之謂正統巳巳晝
刻三十九夜刻六十一陰過于陽致有土木之變隋
文平陳後晝日漸長謂百官曰晝日漸長天之佑也
因之改元隋文何脩而有此哉五胡雲擾南北分朝
垂二百年匹夫崛起而平一之且爲唐室開先陽長
陰消之世也非京房太平上道之謂

五更

漢明養五更于辟雍取其象五星也又謂知五事然

於更字何涉朱均謂知五行更代事或然不若蔡議
郎以更為叟字誤於三老尤明况列子以垆外田更
為野老則更亦訓老舊矣夜漏分五更漢魏以來名
甲夜乙夜丙夜丁夜戊夜又云鼓一鼓二鼓三鼓四
鼓五後易以五更時刻變更之義也數必用五如正
月建寅斗柄夕指寅曉指午推而夕指卯則曉指未
皆歷五辰冬夏雖脩短參差然辰間遼闊盈不至六
縮不至四顏之推釋之是矣郭子橫洞冥錄有鷄夜
鳴一更為一聲天寶遺事裴耀卿養一雀逐更而鳴

乃知夜漏五更亦氣機自然人不能違天也獨宋制
禁中六更楊誠齋詩天上歸來已六更緣希夷只怕
五更頭之語宋祖命宮漏轉六更蓋恐不軌之徒竊
發於五更也顧宋亦五更但五鼓絕柳鼓遍作謂之
蝦蟇更如今之發播耳故汪水雲有亂點傳籌殺六
更之句不知希夷諱庚為更宋祖以建隆庚申受禪
至理宗景定歷五庚申又十七年而宋亡五更頭驗
矣元順本宋少帝子也生於延祐庚申及北去南人
呼為庚申帝又合命轉六更之數開元遺事夜漏有

六更君王得晏起蓋設言以譏玄宗耳非若宋室真有是制也又宋以讖忌宮掖及州邑更漏皆去五更後二點并去初更二點以配之今漏尚沿宋弊也觀李郢詩二十五更秋點長韓退之詩鷄三號更五點則唐制亦各五點

忌月

正五九不上任唐制謂之忌月然無釋者七脩稿紀其見南史而釋之曰三月之建乃寅午戌火也臣爲商商屬金恐爲火尅故忌之于觀房玄齡等損益隋律亦存之以不行刑謂之斷屠月此與金火之義何涉豈刑屬金亦恐火尅之歟益難通矣竊意正月陽之泰五月陽之正九月陽之極刑本陰屬故斷云近世棄市在冬至前是也因是而推陽爲君陰爲臣臣不可干君故上任避此陽月宋周公謹問衛道夫云俗以初五十四二十三日爲月忌事必避之何居衛公聞之前輩此三日卽河圖數之中宮五數耳五爲君象故庶民不用今其圖載齊東野語中以周說証之則予臣不干君之說似亦匪鑿

卯酉

天地雖以寅開物至卯而門方辟故驚蟄後始百草萌芽雖以戌閉物至酉而門先塞故立冬前已草木彫落開物每後時閉物則先時矣宜成事難而僨事易歟宜休徵少而咎徵多歟宜君子寡而小人衆歟

陰陽互藏

羚羊二角最寒實產炎方諸國鴈門雲中六七月時有層冰積雪煖木生之亦力把力國在沙漠間氣候極寒乃有熱海周數百里陰陽互藏其宅也

斗牛

農丈人附斗分田制祿一道也織女附牛農事女紅一道也

對問編卷二目錄

地天相去

崑崙出地上

四瀆

疆宇

都會

冀方

南交

箕山

帝王起江左

江東分主

潮泉

火井

火山

冷熱泉

風穴

鳥鼠同穴

壤地之偏

日本之始

五色山水

大小孤山

天妃宮

對問編卷二

新安江應曉覺卿著

男秉謙校

地天相去

徐整三五歷紀地天相去九萬里渾天儀賦九萬八千里學林地輿星辰四游升降於三萬里中則地之去天僅萬五千里耳爾雅天去地二億一萬六千八十一里地之里半之僧一行梁令瓚謂周天十六萬里地上地下各八萬里東漢志天徑三十五萬六千

九百七十一里地中分之則上下一十七萬八千餘里矣晉天文志以勾股求弦法入之得八萬一千三百九十四里有奇乃天徑之半而地之去天如之與一行令瓚相近漢書則倍於晉志矣及地里志乃言八極之廣東西二億三萬一千三百里南北二億三萬一十三里地去天半八極之數下如之又與天文志爽何哉大都測天者非誕也以天度度之耳但度度之法不一漢人以一度當二千九百三十二里晉人以一度當一千四百六里唐人以一度當四百餘

里遐邇相遼俾談天者紛紛也矧尺度又脩短耶

崑崙出地上

地天相去九萬八千餘里崑崙出地上高一萬一千餘里當天地之中九分之一也豈數極於九與水經稱高萬一千里蓋據淮南子萬一千一百里十四步有奇之說耳郭景純謂二千五百餘里山海經稱高萬仞恐非八尺之仞也昔人測之必自有說如嵩山少室高八百六十丈天目高一千八百丈羅浮高三千六百丈黃山高一千二百仞之類但未可向痴人

說耳

四瀆

瀆獨也江漢淮濟受水而不爲水所受徑自入海故名水惟河最大故不列之四瀆中此神禹立言意也漢魏而後言四瀆者去漢而進河蓋始於穆天子傳以漢合於江也竊意先王祭川先河後海海不得與河齊况江淮乎風俗通曰江淮河濟爲四瀆瀆通也所以通中國也劉向謂其通百川於海也白虎通曰其德著大故釋獨此後世之曲說非神禹意也

疆宇

東距遼東東北至三萬衛西極四川松番西南距雲南金齒南踰廣東崖州東南至福建漳州北暨北平大寧西北至峽西甘肅縱一萬九百里橫一萬一千九百三十里此洪武間疆宇也世言過宋敵唐不迫漢嘗考東之朝鮮漢真番臨屯樂浪玄菟四郡也西之赤斤蒙古漢酒泉燉煌二郡也南之占城漢象林郡安南則漢交趾九真日南三郡也北之河套漢朔方郡也今皆四夷荒土視漢誠異矣然漢諸邊郡小

者不下千里大者不下數千里漢志則曰東西九千三百二里南北萬三千六十八里視本朝無大異焉何哉唐志東西九千五百一十里南北萬六千九百一十八里是四距過於漢也狄梁公曰東距蒼海西隔流沙北橫汰漠南阻五嶺我國家兼盡之過於漢朝遠矣可爲明證史氏乃曰南北如漢之盛東不及而西過之何哉

都會

夏宅冀方唐虞故都也歷年四百矣殷邦五遷亳囂相耿奚嘗據上游擇要害也視夏歷乃過半焉關中古稱天府周秦王霸藉之然成王還鎬不二百年卽有播遷之禍平王旣東傳緒乃至四五百年雖云乾綱紐絕彼膠舟已先慘矣秦人旣併函嶠固在也一夫作難七廟遽毀何哉關中雄視洛陽矣漢前後都之卜吉均焉洛陽雄視臨安矣宋前後都之卜年均焉同一建業也晉宋齊梁陳不孫吳若矣同一洛陽也梁唐晉漢周不趙宋若矣晉西京何促於東京哉今之京師勝國故畿甸也胡人運不百年而我國

家則超漢唐兼殷周矣昔人有言據形勢者擇三關
敷德化者服中土將安取衷哉今古定鼎關中無踰
唐室久長然羯胡一鼓西京隨沒賊巢奮臂再失長
安形勝安在哉營洛者曰有德易以興無德者不能
久其惡無德易以亡有德者之功利可以朝夕及天
下嗚呼武王周公其達論矣乎

冀方

堯舜禹都冀方今山西之平陽也以弼服考之四方
皆二千五百里北之要荒無論已今之鴈門偏頭非

侯服耶朔方武寧非綏服耶當時封土何氏賦役何
民戎穴何在夷夏何界與南之侯綏無論已大江之
東已要荒之外徼矣會稽僻峙海嶠去大江千里禹
止而觀東后果何爲哉肅慎氏防風氏唐虞之侯邦
也肅慎乃今之女直在混同江左防風乃今之武康
古三吳不入職方地又弼服外五千里也何二氏裂
茲土與抑二氏本夷國因其來王而頒瑞與

南交

占城古越裳氏交趾古南交二國蓋接壤也越裳迷

歸周公錫以車由扶南林邑暮年始至其國當成周時九夷八蠻通道矣尚道里艱關如此陶唐先成周千年命羲叔宅南交果取何道耶南交去冀都萬里敬致以正仲夏必有敷奏復逆等事不特如越裳一獻雉而已周且重譯陶唐又當何如耶俟詢之

箕山

武林有稽峯太平寰宇記許由隱此志返故名按史記由冢在箕山子長猶及登之乃河南登封之嵎嶺下卽洗耳故地也由本潁川陽城人老於斯葬於斯

何嘗一涉武林也楊子雲蘇子由博洽今古最尚謂人間無許由記寰宇者指而實之何耶水經注言道士入此志返因以稽留名山初未言許由也世傳昌化有箕山疑許由往來於斯審爾則益之避啓亦往來稽留耶益之避由之冢同一山也昌化何與沐水之左有箕山去潁川尚未千里也劉澄指爲許由隱迹酈道元且非之武陵可知矣宋寶慶間京兆袁韶尹臨安建鄉賢祠於蘇堤首許由而贊之何好事者之過或曰晉許遠游者自餘杭入靈隱志返或然

帝王起江左

宋主裕生丹徒之京口陳主霸先生吳興之長興吳大帝權會稽富春人父沒徙舒彼生時亦江左地

江東分王

江東分王三百年復與中國合予考之景純之說亦未盡然周綱不振吳楚分王四百年而合於秦晉元南分中土歷宋齊梁陳二百七十年而合於隋五代時錢氏王臨安李氏王建業竟百年而合於宋宋人南渡亦未及二百年而合於元

潮泉

海潮應月類相從也張僧鑒潯陽記雞籠山澗中泉湧如潮期時刻不差朔望尤大號爲潮泉張廷言隨筆記婺州浦江有井水以晦日涸月生明漸瀉出壑則滿亦潮泉類也嶺外錄瓊海之潮半月東流半月西流隨星長短不係月之盛衰水經注淇水逕枋城分爲二水其一上下流每月隨斗所建之辰轉應天道星斗亦陰類特隨應云故三五歷紀以星爲水之精也

火井

楊用脩見嘉定犍爲泉水皆油蕪之引爲燈因惜古人博物未及此予觀酈道元所紀火井則異是至引博物志酒泉延壽縣南山出泉如肉汁取著器中如凝膏燃之極明則與用脩合矣勿謂古人博物未及此也特未及蜀中耳

火山

水經注流沙之西有崦嵫山山石赤白色以兩石相擊則水潤擊之不已則潤盡火出山石皆然炎起數

丈逕日不滅黑風自流沙掩之乃滅石如初此與十三卷榮臺異矣榮臺之山以火從地出故名楊用脩謂似火從地出則似火而非矣抑以似豕亥耶西域記屈茨有山夜則火光晝日但烟而已去龜茲國不遠事林廣記斯加里野國山小有深穴四季出火昇大石千斤放穴中爆出碎如浮石每五年一次火從穴中出流轉至海邊復回所過林木不燃遇石焚之如炭博物志臨邛有火井以盆貯水煮之得鹽後人以火投之至今不然西河郡鴻門縣亦有火井火從

地出二井皆海內壤也

冷熱泉

水經注代地有火井炎熱上升常如微雷發響以草爨之則烟騰火發去五六尺有湯井與火井同以草內之則不燃皆沾濡露結也夫同地同氣而燥濕異焉何哉小和川之東有溫泉可以熟米側有寒泉盛夏肅若冰谷唐子西記惠州二泉相去步武東泉熱甚不可觸指以西泉解之始調適可浴尤二竅也至江乘有泉溫冷各半同一壑出地記句容有湖冷熱各半同一區熱可淪雞皆有魚交入輒死出雜俎予浴黃山湯池中溫香甘潔去澗水不盈尺溫冷各絕澗盈則駕出池上上冷下溫旁一小穴溫減於池澗水少澗方辨之

風穴

水經注北屈縣風山有穴蕭瑟衝飄代郡有風穴肅肅襲裘蔡陽石門鐘乳穴有風入者火不能久是風以地生也釋家謂風輪持水輪水輪持大地是地依於風也道家謂罡風九轉則天且持於風矣

鳥鼠同穴

鳥鼠同穴一山也經文兩言至於鳥鼠省文耳又曰自鳥鼠同穴窮原貴詳也仲默引地志以同穴爲鳥鼠之枝山誤仲默者地志誤地志者鄭玄析之王肅附之也水經注爾雅翼言鳥名鼯鼠名鼯穿地共處而鼠內鳥外孔安國曰共爲雌雄張晏曰不相牝牡杜彥達曰同穴止宿養子互哺夫鼯尾與否不暇究然羽毛同穴無疑矣昔崔佑甫時軍中貓鼠相哺矧鳥鼠不可同耶羅鄂州引沙州記寒嶺有雀鼠同穴

宋姚寬西溪叢語鼠與鳥爲雌雄似鼠而尾短鼠在內鳥在外菽園雜記陝西莊浪山中鳥鼠同穴爲雌雄人多見之墨談引甘肅志涼州有鼠名兀兒鳥名本周兒同穴而處涼州屬唐隴右道卽水經隴西是也又按水經首言渭水出鳥鼠山簡如夏書不及同穴也未言鳥鼠同穴山在隴西鳥鼠下無山字其爲一山可知蓋水經踵禹貢之文而道元失桑欽之意矣仲默乃據道元以信何哉

壤地之偏

安南本漢九真交趾日南三郡杜佑通典地在日之南開北戶以向日則日南尤交州之南王莽時黃支國獻犀牛又日南之南也永樂間我師北伐過長白山至長清塞南望北斗交州哉生明之夕月在天中骨利幹國日沒煮羊脾熟日復東生皆壤地之偏故也天原發微北極出地本高三十六度自林邑國望之高十七度安南都護府望之高二十一度餘州不同尤爲驗証枝山前聞下洋兵鄧老歷諸國唯地上之物有異耳其天象大小遠近顯晦之類悉與中國

合此豈近中土耶

日本之始

客問日本祖徐福矣通鑑前編吳亡子孫支庶入海爲倭豈始於秦耶晉書東夷傳倭人自稱太伯後又豈始於夫差耶予曰太伯有吳至夫差傳國二十三世歷王季至元王垂七百餘年中土去日本七晝夜可達華夷航海豈得七百年之久始通耶意大伯城吳不數世卽有入海者不自吳亡始第吳亡亡命者衆耳故後太伯不後夫差也當夫差時人文日著卽

吳亡有之則衣冠禮樂必有媲美朝鮮者當不若是爾也不然夷情猾詐援帝王苗裔以欺我華人與墨談以福為再基祖良然當福浮海時去夫差又二百年豈無開先者豈無為之鄉道者齊威王燕昭王時方士請求不死藥於東海其覬覦日本未必不福若也嘗考日本通中土西漢時已三十餘國及曹魏時已七萬戶豈盡福後耶傳又言夏少康封子於會稽文身以避水害今倭俗取魚猶然如傳言日本且越後也越之立國先吳八百年八百年間越人已島夷矣豈待太伯之荆蠻吳人始入海為倭耶審爾日本祖少康祖無餘可也奚俟太伯即太伯已無論矧夫差矧徐福耶大都倭種甚繁徐特族之一耳

五色山水

西方有長白山山水草木禽獸人民皆白嘉峪關外有黑婁國山水草木禽獸人民皆黑討來斯國有水赤色望之如火車師山色如火林邑岩皆赤柳陳有火焰山禽鼠赤色意者九州內外五色山水咸有之自憐耳目隘耳寰宇記三佛齊國南海水中有山五

色聳峙則水可類推豈特東海黑水洋黃山湯池會
變爲硃砂汁耶又豈特楊子雲王逸少墨池耶

大小孤山

宋景明春明退朝錄大小孤山獨字也廟祀婦人蓋
誤以孤爲姑龍圖陳簡夫詩山稱孤獨字廟塑女郎
形過客須知誤行人但乞靈可以解俗惑矣勾吳有
黃姑廟蓋河鼓乃牽牛之別名黃姑乃河鼓之訛聲
也父老言其精降斯土祀之土人傳久而訛竟以女
子像也予留口號牛郎一夕下勾吳千載吳兒拜聖

姑祇是人間皆婦女故教男子落鬚鬚無惑乎大小
孤祀女郎也豈特觀音大士爲妙莊王季女哉西湖
孤山亦獨字曩時貴樹臺榭客謾爲公孤山已而宅
廢予再過之廊廡塗泥且值一女道士來其中予笑
曰可更題爲泥姑山矣同遊絕倒

天妃宮

天妃宮江淮河海之濱在在有之功德尤著海上蓋
海神也世傳神爲三女生五代間以林靈素女實之
考靈素神其術於宋宣和中去五代近二百年說何

訛甚也緣宣和中遣使高麗中流颶作賴神以免使
臣路允迪上其事始祀之俗以事始靈素時遂附會
林姓也或曰林氏乃靈示之訛以神靈照示海上也
謂生五代者宣和以前不見祀典駕言五代以去宣
和不大遠也審爾則有其神無其人與丘學士仲深
碑記天爲大地次之製字者一大爲天二小爲示故
天稱皇地稱后海次於地宜稱妃數從三亦一大二
小之義茲一說也嘉靖初高大行澄使琉球賴天妃
以不死者再四歸記天妃顯異且曰妃者配也神運
往來商販出沒特爲扶持功德配天故曰天妃猶
天能生人神能救人也又一說也司馬君實嘗言水
陰類神當爲女子尤爲天妃印証然則梟磯之夫人
大小孤山之二姑殆類是與彼岱宗之玉女南嶽之
夫人抑又何哉或曰天陽父也日月星辰爲少陽地
陰母也山嶽海瀆爲少陰審爾則玉女夫人亦有自
與彼以女子肖觀音者殆亦有說觀音南海神也



書